





周益公文集

省齋文稿目錄

宋廬陵周益公必大著

卷第一

詩題跋附

送陸先生赴春闈二首

余石月挽詞

許寺正挽詞二首

孟郡正挽詞二首

張朝宗挽詞二首

太行皇太后挽詞四首

跋平江蔣守帖

跋曾祖題名

跋陳丞相手書



卷第二

表 奏狀 奏劄

謝賜曆日表四首

賀重修皇太后四鑿事實表

賀太后廣八十表四首

賀皇太后牋二首

賀太后服藥表赦書二首

皇太后升遐慰表四首

慰冬至表三首 慰元正表

顯仁皇太后發引慰表二首

賀冬至表 賀郊祀表二首

謝郊赦表二首 天申節賀表四首

謝御製御書損齋記表三首

廣得軍謝上表

謝除真秘閣知揚州謝表

信陽軍謝上表 謝除太府少卿表

張瑞明謝乞致仕不允表

漢州謝上表 汪瑞明遺表

天申節進錄奏狀二首

大兄奏劄 王監簿辭召命狀



趙尚書論侍從隨赦加恩劄子

卷第三

青詞 功德疏 疏文

外舅設醮青詞

建康為皇太后設醮青詞

茅山青詞

徐憲設醮青詞

金陵求雨青詞

方卿設醮青詞

郭元嘉設黃籙青詞

又設醮青詞

尚氏姊設醮青詞

十三弟設醮青詞

乾龍節功德疏八首

天中節功德疏八首

會慶節疏三首

皇太后服藥蔣山疏文

皇太后服藥赦書賽諸廟祝文

建康為皇太后舉哀疏文六首

請宝公祈雨疏文

祈雨雪文三首

卷第四

啓一

謝宰執啓

與江東張師啓

一 徐憲頌德

周曹頌德

一 葉漕頌德

徐總領頌德



呂提舉頌德

臨安韓尚書啓

王舍人啓

湯中丞啓

凌正言啓

褚臺簿啓

宣州樓密啓

荅陳國正啓

賀王侍郎啓

賀辛侍郎啓

賀万侯右相轉官加食邑啓

賀湯右相啓二首

賀沈左相轉官加封邑啓

問侯沈左相啓

問侯湯右相啓

賀王樞密啓

賀張尚書啓

賀朱中丞啓

問侯葛侍郎啓

賀何大諫啓

賀都司諫啓

謝執正啓

卷第五

啓二

賀李漕啓

賀江東陳憲啓

賀王樞密啓

回陳都官啓

賀陳同知除知院啓

賀田開府啓

一 賀鎮江董知府啓

回吳漕啓

回柴叅議啓

賀吳漕啓



唐書卷之六

賀賀叅政啓二首

賀江東王提舉啓

賀宣州魏叅政啓

回淮東朱總領啓

賀湯丞相廷左丞相啓二首  
謝執政啓

賀陳右相啓二首

賀湯右相轉官加意啓二首

賀孟宗丞除江東運判啓  
賀楊給事啓

賀王同知啓

卷第六

啓三

賀陳院啓  
賀楊師啓

賀趙侍郎啓  
賀魏宣州啓

賀湯侍郎改除戶部啓

賀葉侍郎啓  
賀賀尚書啓

賀周侍郎啓  
賀洪舍人啓

謝執政啓  
謝賀尚書啓

葉侍郎啓  
沈侍郎頌德

趙侍郎頌德  
楊侍郎頌德

一 黃侍郎頌德  
王侍郎頌德

周給事啓  
洪舍人啓



張舍人頌德

朱侍御啓

任殿院頌德

汪察院啓

任察院頌德

何司諫頌德

都正言頌德

賀鎮江鄭直閣啓

賀辛福州啓

賀閩中周提舉啓

賀閩漕王敷文啓

卷第七

啓四

上湯丞相求嶽詞啓

得嶽詞謝宰相啓

賀葉樞密啓

賀樞密啓

回宣州朱舍人啓

賀周給事中啓

賀岳都統起復啓二首

賀周侍郎啓二首

賀魯侍郎啓二首

賀謝提舉啓二首

謝舉自代啓

賀邵侍郎啓

回王運幹啓

與新總領啓

賀孟少師判平江府啓

回交代除郎官啓

回教授啓

賀周內翰啓二首

賀張舍人啓二首

卷第八

啓五



唐文苑英華 卷第九 賀舍人啓

賀任祕監啓

賀殿院啓二首

賀葉侍郎啓

上沈丞相啓

賀楊侍郎啓

賀徐信州啓二首

賀金陵韓師啓

漢州謝到任啓

賀董侍郎啓

賀楊尚書啓

賀揚州劉安撫啓

宋侍郎啓

賀洪侍郎啓

王給事啓

沈正言啓

謝安人酒官啓

與息平郡王啓

謝解啓

卷第九

書小簡

親書

樂語

上陳丞相書

又上朱叅政書

謝執政小簡

回江東王運小簡

妻妹親書

向宅親書

小一姪納幣胡氏親書

十二第韓氏納幣親書

江權卿親書

趙慰親書

王蘊親書

廣德軍鹿鳴燕樂語

請廬師樂語



卷第十

墓誌銘 祭文 祝文

左朝請大夫王公葆墓誌銘

文山人墓誌銘 祭徐淑人文二首

祭岳都統母夫人文二首

七兄親迎歸祝文 伯考伯母加贈祝文

省齋目錄終

周益公文集第一卷

省齋文稿八十一

宋廬陵周益公必大著

詩題跋 五代作

送陸先生府赴春闈 代十第 紹興辛酉

九重詔下選賢能又見先生啓遠行  
离恨暗隨流水去翔夙穩送片帆  
輕休嗟此日暌違事預發來春晉  
錫榮一去鵬程應九万始知佳夢  
合金精

同前 代李及之

何幸天涯款緒餘軒昂氣識槩雄圖  
滔滔腹橐迎千軸凜凜詞鋒敵万夫  
方對芝眉蒙教載乍驚絳帳失



規模從此穩步青雲上始信沙堤夢不誣

余石月挽詞

甲戌乙亥

學重今顏子年高漢伏生鯉庭傳道德鱣序列公卿  
忠孝平生事詩書後世名於公無一憾多士自傷情  
自我居洪府從公父子遊至言今在耳往事忍回頭  
夙急唐山隴雲埋石月樓生芻無路奠洒淚寄東流

泰州守許寺正挽詞二首

代外旧

昔在西京日名臣數次公人歌廷尉德帝念穎川功  
出處君何異修良善亦同誰提班固筆千古紹高風  
身襲黃門慶腰懸紫綬繩未登知命歲巡逼蓋棺期

風咽哀笳恨云凝斷壑悲只應潘岳淚重憶悼亡時

孟郡王忠厚挽詞二首

丁丑

炳灵崧岳古儲姜令德高標對寇光位冠西樞筹運  
握班高左棘綉為裳丁年声譽佳公子二紀功名異  
姓王人物夙流今已矣空令吳越詠甘棠  
祥源摠使奉真遊藏室提綱接勝流書蠹只知三館  
樂鹽精不闕五侯羞名山早晚尋黃石逝水湏臾失  
夜舟白馬素車分散後何人更忍過西州

張朝宗挽詞二首

丁丑代外旧

耆旧推西洛於公見典刑全名高白璧利刃拂清萍



日者瞻卿月天乎隕使星平生精藻鑿苑李半槐庭  
甲第開鄰里蝸廬遂不孤相從期晚歲太息奠生芻  
涼吹飛舟旒殘阼詠白駒傷心松柏路螭首載龜趺  
大行皇太后挽詞二首 代方揔領巳卯

瑞應典沙麓祥涼發豨帚東朝方母育滄海倏塵飛  
蟾暗水輪影鰲翻地軸機宸心懷慕處篋有五時衣  
媯汭芳聲遠思齊聖德優湘妃初從舜文母晚與周  
養弃慈寧樂神同永祐遊鳳車青羽蓋思望浙江舟

同前

得道西王母思齊古太任仙遊歸少廣人世失徽音  
閨苑飛空熟稽山栢自森天心知舜孝寒日慘多隄  
憶昨登中壽梅觴慶九重春回方晝永月掩迤云濃  
鍾鼓沉長樂蚕桑罷灌龍 宣仁遺意在定謚独追蹤

題跋

跋平江蔣守帖

代程崑山沂

聚守郡朝夕勉竭但老朽元補事功今歲必謂  
境內登稔秋稅不勞而办乃承垂奩如此聞名  
然農夫辛苦不得厚獲轉徙固宜切望悉意拊  
集諭瀕臨江海細民許其就便送納粳米庶免  
搬運費俾之少安則郡縣之本也左右勤民如



唐文公集 卷之十一  
此安得不如來命公檄未到間一切曉示使之  
通知諸邑赴府倉者不令多有費用留滯區區  
之心惟欲利民耳

右手書二通太守蔣公諭屬令以勤民之旨也公由  
天子侍臣來鎮輔藩惠足以存下明足以恤隱故雖  
尺牘而周悉勤懇如此昔韓愈有言賦有常而民產  
无常水旱疔疫之不期民之豐約繫於州縣縣令不  
以言連帥不以信民就穷而歛愈急嗚呼使唐之守  
帥能以公之心為心則愈言何自而發哉公之筆精  
墨妙独步當世人得半橐自當藏去以為榮况夫利  
民之心帖然在是沂也何敢独拜嘉命而私諸篋乎  
固宜治金伐石揭示百里俾為吏者目擊戒追呼之  
擾為民者戶知殫樂輸之誠一卒二美具為公之賜  
沂之幸也紹興二十七年十一月日

跋曾祖題名

代吳司戶象

政和三年癸巳甲午朝拜茅山景福万年殿遂  
行告廷奉安之禮遵上旨也已未还府家弟搏  
男敞激檄來迓於此知府事建安縣子吳棫題  
曾大父昔持從橐鎮金陵距今四十六年中經  
搶攘山川良是城郭非矣去府有二十五里寺



唐文苑英華卷之二十一  
卷之二十一  
其  
曰祈澤如魯之靈光蕩然獨存曾大父題名在  
焉哀來主辭曹公攬涕下飾匠摹寫饒諸樂石  
豈惟紓念祖追遠之心亦使父老過之對甘棠  
而思召伯讀峴碑而泣羊公也紹興甲寅五月  
庚申

跋陳丞相手書

代世九日

高文大冊屬意而為則其詞章黼黻筆墨精妙理一  
宜之若乃書疏填委引帝占荅此豈有意於其間哉  
特以溫厚之性根於中故雖造次皆樂善之言心畫  
之妙應于手故雖遊戲皆絕人之藝昔漢嘉威侯贍  
辭善書數百封親疏各有意人得尺牘皆藏去以為  
榮丞相蓋其苗裔與何道大德全而餘力猶至於斯  
也△宝此十餘年矣豕公方運造化以鎔錘一或如  
△盤跚闕茸仕愈久而身益困視鞭景而弗悟委哀  
褒於州莽凡前日拜賜之榮祇所以為今日之媿歎  
年月日



周益公文集第二卷

省齊文稿八十二

表

奏狀

奏劄

申詩狀奏并代作

謝賜曆日表

紹興十八年代陳州作

欽崇天道初觀玉曆之成並授人時均下墨書之賜  
仰祈德意俯佩恩榮 申謝 恭惟皇帝陛下輔相兩儀  
摠齊七政大法協於五紀克叙彝倫閏月定於四時  
靡乖纏次推本聖心之自蓋先民事之宜故此遐方  
亦頒密度 臣 敢不深思奉順務稱茲恭東作西成行  
見京抵之積南洽北暢豈惟正朔之月

同前

紹興二十七年代外旧府德軍作



唐益公集 卷之二 有德和 三十一  
欽崇天道課玉曆於清臺重授人時下筆書於方國  
凡任承流之責率深拜賜之榮 申謝 恭惟○○○功錫  
禹疇德齊舜政炎晷載赫既聰明睿智以有臨皇極  
用成宜歲月日時之无易申命居卿之職載嚴頒朔  
之文天始地終得大衍自然之數珠連璧合驗太初  
自然之祥誕告多方用典嗣歲 臣 敢不仰推聖意徧  
諭封圻九叙惟歌使咸知於帝力三時不害期各厚  
於民生

同前 紹興二十七年

日官推數當五年再閏之期王者頒常下三統四分  
之曆凡叨守土敢急承流 申謝 恭惟○○○把握陰陽  
彌綸天地授泰元之神英協洪範之彛倫水火金木  
惟修坐致九功之叙歲月日時无易預知百谷之成  
爰即上春徧頒密度豈特新又新而无弊蓋將朔復  
朔以何穷 臣 一分銅虎之藎三拜筆書之賜年運而  
往竊自驚蓬髮之衰民愚而神願重示農桑之候

同前 紹興三十年

參万歲以成統方衍无窮之數以四時而為柄用頒  
有截之區望雲祇拜於君恩爰日益勤於吏事 申謝  
恭惟○○○德隆廣運化本密庸仰膺申命之休俯重



授時之政地方天而天法道擬四大以宅中政次王  
而王次春殖萬民而布治况歲直金穰之次而曆符  
璧合之祥農力穡以无違吏窺文而竊抃臣敢不動  
敷聖意徧諭部封時和年豐碩已示夢魚之兆家給  
人足愧莫施流馬之功

賀重脩皇太后回銮事實表

紹興二十年代外旧府德軍作

冬温夏清以承長樂之顏文贍事詳今紀蘭臺之筆  
母儀既著聖德愈光中賀臣聞周美太任詩人發詠  
漢迎薄后史氏特書倘汗青不載於一時則副墨孰  
傳於萬世於皇盛舉克掩前芳恭惟○○仁冒華夷

孝通天地締盟北道永清萬馬之屯致養東朝夙返  
六駟之馭言念

皇家之殊慶豈容敦史之闕文既詔諸儒纂事而書  
之策復資上宰帥屬而獻於王昭哉典籍之精祥導  
以礼仪之繁縟風傳六服喜動群工臣身也滯南心  
焉拱北班香宋豔莫窺三館之藏舜日堯年願祝兩  
宮之壽

賀太后慶八十表

紹興二十九年

東朝衍慶方膺難老之祥南面稱觴適及常珍之日  
礼行正旦喜浹綿區中賀恭惟



○○○道貫神明仁漸動植久濟民於化國每養志於  
 慈寧億載万年人頌唐宗之孝四章一部歲踰漢曆  
 之元當熙肇始之時率遠古未行之典動鍾鼓於長  
 樂聲氣咸和滿環珮於後宮儀容大備豈特親其親  
 而所九重之愛又將孝吾孝以來万宇之懽臣屬守  
 近藩莫趨迹列思齊所以聖佇觀則百之男天保莫  
 不增更祝无疆之壽

同前

德盛母儀方茂松椿之壽誠殫子道遂稱栢栢之觴  
 礼容肇講於宮庭德教遠加於海宇中賀恭惟○○○

仁先廣愛志务寧親以綉裳画衮而為戲綵之榮以  
 芳膳蘭飧而備珠常之奉繇上帝眷一人之孝致慈  
 闈開万世歲之期乃稽典慶之旧儀兼率建隆之故  
 事受兹介福享其王母豈惟共擁於休祥建其有極  
 錫厥庶民盖亦咸躋於仁寿臣悞持龍節莫造鸞班  
 則百斯男願嗣文母徽音之雅既多受祉載賡魯侯  
 宴喜之詩

賀皇太后牋

慈闈就養春秋宜過於八千宝曆更端甲子將周於  
 五百舉慶儀於内殿溢和氣於外庭中賀恭惟皇



唐高宗集 卷之八十二  
太后殿下沙麓儲精塗山啓瑞誕育聖神之主茂揚  
慈儉之風鍊石而補皇天不愧女媧之巧得道而生  
少廣莫知王母之年稜容爰講於三朝純孝益隆於  
萬乘國家賴度簡冊增光臣適綰郡符阻瞻禁幄囊  
弓戢矢早知武王十亂之功含飴弄孫行應堯帝多  
男之祝

同前

七紀垂周同得金母長生之道九重致喜講玉卮為  
壽之儀兆和氣於芳春騰懽聲于華夏中賀恭惟

皇太后殿下篤生上聖密贊中央好黃老之言何慚  
漢后茂姜任之德堯紹周京筭延南極以無疆福備  
東都而未艾爰因歲旦肇率禮文奉萬歲之觴共知  
天子之孝極九州之養永居帝母之尊臣將命和門  
傾心盛典融融洩洩豈資穎谷之封人怡怡愉愉請  
頌元和之聖德

皇太后服藥赦書表

孝无大於寧親方董寢門之問仁莫先於赦過肆空  
宰戶之囚伏听詔音灼知聖意中謝恭惟○○勤育  
子道祇奉母慈散和氣於綿區無幽不被洽善祥于  
長樂何恙弗除豈資藥石之功因得天人之助臣猥



塵遠使獲奉寬條動植被虞帝之恩既隆孝治晏喜  
壽魯侯之母願繼頌聲

同前

問安侍膳躬定省於九重解繞除苛洽寬仁於四表  
堯言誕布聖德益昭中賀恭惟○○○孝通神明仁浹  
黎庶介祉欲臻于文母施恩爰啓於周民事親足以  
解憂天心所向勿藥至於有喜神德自寧臣猥使近  
圻祗承溫詔祝三白之綱已騰樂國之歡呼奉万年  
之觴即慶 慈寧之康復

皇太后升遐慰表

慈闈画掩哀訃夕傳凡思持載之功奉抱催傷之痛  
中慰恭惟○○○事親盡礼侍膳殫誠久承父母之言  
徽音迓隔遠邁显宗之孝追慕何穷願寬陟屺之悲  
少副普天之望

同前

駟馭上賓終天莫返駒懷永慕履地所同中慰恭惟  
○○○德迈舜父行逾魯閔幾年膝下親承寿母之顏  
一日宮中頓失慈寧之養雖至孝深思于載育而民  
心咸惧于過憂願仰至誠俯安群下

同前



母儀久正坤載俄隳凡在含生幸懷悲慕中慰恭惟  
○○○仁先立愛志務寧親侍膳問安備殫誠意省刑  
薄歛式慰母心豈期天命之難諶終嘆慈闈之迤掩  
虽一人之孝方永念于劬勞然万務之繁當深思于  
節抑節抑

同前

冪結東朝悲纏中夏遙知睟穆正切哀悃恭惟○○○  
性本自天行皆高世漢父至孝晨昏无解帶之安虞  
舜好生遠迓釋昼冠之禁既勤施德謂可寧親倏聞  
厚地之傾莫曉彼蒼之意願思適爽母致過哀上以

符慈率治命之言下以副黎庶誠心之懇

慰冬表

化国日舒徐行北陸圣人孝致永念東朝凡在輿情  
同深孺慕中謝恭惟○○○德隆天性報享母慈當宮  
線之初添悵禕衣之浸遠率百官而為壽恐虛典慶  
之彛儀幸旧宅而冬益愴永平之故事願抑對時  
之感俯安率土之心

同前

望雲氣於親臺甫驗新吹之至斷鍾声於長樂莫陳  
垂歲之儀上叨哀垆下均感慕中謝恭惟○○○行高



文帝孝迈有虞誦凱風聖善之詩悵六醜之永隔當  
化日舒長之候後一線以增悲仰析宸抱之少寬式  
對天心之來復

同前

臣歲俯臨方講漢儀之旧徽音浸遠共深父母之思  
遙知粹穆之光正切哀恫之慕中謝恭惟○○○道同  
堯舜行過參騫豎長樂之壽觴深悲節物望慈寧之  
總帳益勤孝思願寬追遠之懷茂對履長之序

慰元正表

行夏時而正曆荐易歲華履春露以念親益昭聖德

凡預載持之數共懷怵惕之思中謝恭惟○○○以大

孝而顯揚任妙之徽音以至尊而度越參騫之高行  
當方貢珎之在列嘆東朝灵几之方新珮響唐穹莫  
展壽觴之礼鍾鳴漢殿暫停亢会之儀願寬追遠之  
心茂對履端之序臣猥將使指不獲躬詣東上閣門  
臣元任

显仁皇太后發引慰表

陟彼岵兮爰卜青鳥之吉維其時矣迺瞻昼翼之行

祖載逶迤聖情惻楚中謝恭惟○○○德鍾天地道貫

人倫粵符素柰之謠弥切蓼莪之感親喪固所自尽



也內不廢於三年聖德又何加孝乎外已刑於四海  
逮茲遣奠九極哀悰願踈寧已隔於東朝惟追慕少  
寬於南面

同前

龜猶告吉翟駕即塗念慈矩之長違知聖情之永慕  
中謝 恭惟○○○高行起於今古純誠貫於神明自罹  
父母之哀益显有虞之孝送終尽禮遣奠及期瞻彼  
綍之在庭宜括圈之增感願附群生之望少寬罔極  
之德

殯宮禮畢慰表

駟馭上賓武帳久虛於長樂龜猶未含容衣遂闕於  
誓山一人嗟慈範之違万国嘆坤儀之遠 中謝 恭惟

○○○純誠貫古至行積中慕親之心未嘗息焉執喪  
之禮可謂尽矣神灵為之显相天日至於晏濕用葛  
无麻盖異魯君之母因山配地實全唐室之規仙寢  
既成真遊莫返追懷至善固益動于孝心俯為邦家  
當勉裁于哀慕

同前

日月有期爰畢因山之制寢園在望共勤陟屺之瞻  
追懷太妣之徽音益惻武王之達孝 中謝 恭惟○○○



唐高宗集 卷之二十一  
德隆天性念極母儀既哀戚之內深亦禮文之外  
為之宅兆奉常樂之禘衣見於尸龜祔 祔陵之吉  
壤逮茲甫窆孰不纏悲雖

工聖軫軫痛長違于慈愛然下民懇懇願勉抑于至  
情

### 附廟禮畢慰表

設祭以虞少駐言歸之馭柎姑而祀永綏如在之靈  
通觀彞典之成彌显聖人之孝 中謝 恭惟○○○行為  
世法行本生知宅憂每越於常情制禮率遵於故事  
瞻父王之清廟久矣寧神頤太妙之徽音茲因登配  
既送終之無憾在追遠以宜寬限以戢守所拘不獲  
躬詣闕庭臣无任

### 同前

縻主來歸 講九虞之祭楹塗永固闕遂參諸后之  
游悲動紫宸禮嚴清廟 中謝 恭惟○○○誠通幽显道  
法祖宗問寢承顏事母昔同於事地慎終追遠寧親  
今至於寧神虫云遺彞制之遵時乃明王之孝闕宮  
有恤已聞升附於姜嫄南面何為願節哀悃於虞舜

### 賀冬至表

紹興三十年

曆紀清臺甫驗周正之應人安化國恭欣堯日之長



惟時神至之君坐獲天人之助中賀恭惟 皇帝陛下德參覆載明並照臨道方慶於陽來福自隨于剛長不假會八能之士和氣已克無煩觀五色之云豐年可卜臣幸至景阻望威顏但同江表之民遙致華封之祝

賀郊禮表

紹興二十八年

萬彙遄驅臨竹宮而齋祓一陽來復率崇燎於精禋熙事告成綿區賴慶中賀臣伏以百神咸秩雖歷代之通規三歲視詞實本朝之定制既嚴恭之曲尽亦既數之適宜自非明德之馨孰備至人之響 恭惟 皇帝陛下道膺多助運際中興天為蓋而地為輿爰講合祛之禮祖有功而有宗有德聿遵並侑之文籩豆靜嘉璧琮華潤既神灵之底豫宜華夏之同歡臣耳屬上儀身縻近甸漢壇八陛莫陪綉佩之趨舜樂九成徒夢鈞天之奏

同前

稽因舊章脩時大祀神灵底豫華夏騰歡中賀臣伏以天施地生非合祭無以吞兩儀之况祖功宗德非陟配無以揚 列聖之休厥際昌辰乃成熙事 恭惟 皇帝陛下禮隆振本孝極奉先乘至景於一陽



講親祠於三歲歷太宮而裸鬯即吉土以欽柴峨峨  
 奉璋來顛相之多士洋洋盈耳備克諧之八音恍云  
 車鳳馬之臨燦璧月珠星之應一人有慶萬福來同  
 臣身也滯南心焉拱北從甘泉之法駕莫預駿奔受  
 宣室之神鑿徒勤注想

謝郊赦表

竣事圓丘施因方國綵綸一出縲綆四空中謝恭惟  
 〇〇祇紹燕謀茂昭鴻化仁同覆載每去殺而好生  
 法若江河常易避而難犯尚虞黔首或麗丹書響帝  
 於郊俾緝熙于純嘏配天其澤用敷錫於庶民仰瞻  
 貫索之星沉俯驗園扉之草茂臣敢不動宣漢詔徧  
 諭周邦二千石之堆良雖有慚於共理四十年之不  
 式幸永覲於措刑

同前

輦回泰時慶熙事之備成幄次端闈錫湛恩之汪濊  
 星馳紫詔永釋昼冠中謝恭惟皇帝陛下禮重宗  
 祈德隆丕冒除漢家之祕祝惟歆惠民監周室之祥  
 刑每思慎罰茲侵三灵之况尽捐五過之庇轉和氣  
 於春臺躋嘉師於壽域臣適持龍節莫望鷄竿神祇  
 祖考之咸安久知舜孝輝翟胞閭之有畀願廣堯仁



天中節賀表

紹興二十八年

帝立子以生商時適中於九夏民同心而戴舜節共  
 紀於千秋中賀恭惟 皇帝陛下剛健乘乾聰明稽  
 古平徭薄賦散和氣於豐年耀德銷兵躋嘉師於壽  
 域眷此長羸之月董然長育之風喜動 東朝尚記  
 日符之夢惟均此道有來星使之車既深思丕冒於  
 華戎宜善頌悉祈於富壽天心所鑒人欲必從臣濫  
 綴從班欣逢至旦方千里者九適備數於藩維呼萬  
 歲者三弟馳誠於軒陛

同前

日形漢夢紀誕節於九重夙入舜絃扇歡聲於萬國  
中賀恭惟 皇帝陛下乾坤合德曆數在躬儉勤遠  
 法於祖宗茲愛兼懷於夷夏人之所助天且弗違福  
 祿延洪永御赫赫炎炎之祚本支蕃衍更現振振蟄  
 蟄之祥臣名在周行身遙魏闕制三十年之國用方  
 儲細柳之糧上千万歲之壽觴徒相倚蘭之會

同前 代總領

蒼龍正於南方適當盛夏紫電飛於北斗丕顯昌期  
 慶屬當陽歡均率土 中賀恭惟○○穆清居位濬哲  
 在躬以安平之世而益務持盈以富足之秋而常思



唐文苑英華卷之二十二 省齋集卷之二十二 三十五  
寶儉爰應朱明之序系隆大德之基八千歲之春秋  
方衍無疆之筭數百所之符瑞更儲有美之休臣分  
戩近畿馳心廣陸作誕至繼天之樂竊自愧於唐臣  
歌阜財解愠之風第欣逢於舜日

同前

天生民而立之君茂啓中興之運臣歸美以報其上  
共忻載夙之期中賀恭惟○○○配德乾坤合明日月  
御赫赫炎炎之祈成巍巍蕩蕩之功當樞電之呈祥  
牽華戎而賴慶嚴恭寅畏而自度已迪哲於四人虛  
靜恬淡而無為方成純於萬歲臣猥司外閫阻造近  
班使壽使富而多男願上堯封之祝宜民宜人而受  
祿載賡周雅之章

謝御製書損齋記表

紹興二十九年  
代江東師司

君子懲忿窒慾寓妙理於齋居至人肆筆成書錫宸  
章於藩服望云天而祇拜偕民吏以榮觀中謝臣伏  
以自昔守城之君鮮知持滿之戒雕墻峻宇第營桂  
館以求僊會句締章或侈栢梁而流詠既不聞於修  
德自有愧於作猷豈如上聖之資懋啓中央之運念  
宴游之不急有感於斯惟筆硯之未忘式稽于訓乃  
闕殿廬之側益窮至孝之高究六十四卦之盈虛獨



取名於抑損述三百餘言之謨訓思坐鑒於典衰爛  
奎璧之光輝得乾坤之簡易恭惟 皇帝陛下道高  
衆甫德冠百王克勤於邦而克儉於家因遊于逸而  
因淫于示爰以躬行之美形諸心昼之精命自郵傳  
人皆草偃臣敢不仰遵彞教俯迪群黎煥乎文章既  
睹神馬圖書之秘注其耳目共化羔羊節儉之風

同前 代方總領

超然燕處損又損以標名倬彼雲章休勿休而示訓  
啓宝函而拜賜拭凡目以知榮 中謝 臣伏以 真宗  
著清景之題必言省費 仁祖述危竿之諭蓋慎居

高是蓋重熙累洽之時不廢履薄臨深之戒 於皇  
上至克紹先猷知盈滿之當持念宴游之不急乃闢  
殿廬之邃載摛睿藻之華探伏羲西伯之用心既窮  
大象監武帝明皇之失策用作元龜乃如八法之通  
神尤見一人之能事恭惟 皇帝陛下簡易合乎天  
地儉勤御於家邦蕩蕩巍巍已底日新之盛兢兢業  
業不忘夕惕之思雖精微自得於宸心而播告天周  
於邦域用錫樂石徧錫官聯 臣 敢不三復至人之言  
載殫愚者之慮朝夕清燕以自警既存乎辭損益盈  
虛與偕行願事斯語



同前代吳漕

殿廬闢室揭先難後易之名睿藻摛詞述據舊鑒新  
 之語刻堅珉於天上錫副墨於人間中謝臣聞山不  
 自高乃成九仞澤惟善下斯會衆流因二象之謙昼  
 六爻而為損仲泥讀易深虞持滿而自賢陸贄抗言  
 力論裕人而約已未有據域中之大宝立天下之廣  
 居即蜚螭蠖蕩之宮制為旋榜著潔靜精微之語親  
 御宝跗窀日月之虧盈体乾坤之簡易內頒百執外  
 及多方至謀雲漢之昭回妙墨龍鳶之蟠扇恭惟  
 皇帝陛下持盈有道守位惟仁以清心寡欲為先以  
 黷武窮兵為戒捨宮寢而即大庭之館得黃帝之齋  
 心衣弋綈而罷百金之臺邁漢文之躬儉尚慮蒞官  
 之象未知懲忿之方爰出宸文俾孚帝德臣敢不服  
 膺大訓竭節外臺常三絕以深恩誦之無斃龜十朋  
 而自效奉以有為

廣德軍謝上表

紹興二十六年代外日

睿主有為慎求良守微臣何取誤列附庸懷印綬以  
 知慚望雲天而叙感中謝伏念奮身孤遠逢世休明  
 趨事赴功嘗抱區區之志循名責實迄無赫赫之稱  
 方謀三運之歸遽忝一麾之眷言桐水蜜拱楓宸



任德去刑吏識朝廷之意平徭簡賦人安田畝之生  
初莫布於教條但坐縻於廩稍茲蓋伏遇 皇帝陛  
下乾剛用九皇質登三如日正中畢照百工之能否  
與天同大常憂一物之棄遺遂使至愚亦切至理臣  
敢不勉圖實効深念空餐政拙催科償繼陽城之下  
考民無愁恨裨宣帝之中央

謝除直祕閣知揚州表

紹興二十九年九月

劇部覘風已冒外臺之寵通都移牧更聯中祕之華  
朝違舊制之山川夕見新封之民吏仰宣德意俯佩  
恩榮 中謝 伏念臣性拙以迂器凡而近先朝賜第早  
被於作成上聖掄材嘗塵於任使自終更于安陸旋  
退屏於閹陬筋力久衰幾坐消於驛肉星霜十易每  
竊歎於鬢絲暨逢公道之宏開獲與時髦而並驚分  
符馮李深慙芻狗之重陳揆節江都圻粗試銳刀之  
一割方虞薄責逖奉詔除矧是廣陵夙稱督府北鄰  
修睦邊城無昼閉之警南畝服勤田畷有秋成之喜  
款敷靜治宜釋能臣不徒猥擢於庸才仍復就加於  
美賤江通一水誰云淮海之遙名列三山頓覺瀛州  
之近叨踰甚矣振稱謂何此蓋伏遇 皇帝陛下堯  
哲知人湯寬御衆蔡臣習於吏事故付之緩撫之擢



唐書卷之八  
卷之八  
憐臣奮自書生故寓之清華之直龍光所被駑鈍奚  
堪臣敢不上体眷知勉殫夙夜身雖制閫莫陪東觀  
之諸儒志則勤民庶效西京之循吏

信陽軍謝上表

紹興二十九年

畿西假守僅輸乘障之勞湖外分毫復預專城之數  
洗印章而視事望旒冕以知恩中謝伏念臣瓠落凡  
材榆搶微分三紀官塗之荏苒十年幕府之棲遲浙  
水江圻早安平進岷山粵嶺中事遐征備伴刺於峴  
南列附庸於塞上試可乃已終更亟還偶逃虞典之  
黜函荐冒漢庭之宣化惟義陽之偏壘乃申伯之舊  
封士厚人淳昔蓋稱于衍沃兵消賦簡今漸復於流  
移豈伊庸瑣之資堪此抚摩之任茲蓋伏遇○○○深  
仁懷遠大智燭微每求師帥之官尤甚边疆之吏府  
加勤拙卑效疲駑臣敢不悉力安民尽心固圉周邦  
咸喜雖慙吉甫之詩共理惟良願廣孝宣之治

謝除太府少卿表

將命江淮久塵星省疏榮觀關驟匝月卿念委寄之  
不移知息私之愈厚中謝伏念臣寒鄉晚出薄宦卑  
飛叨逢籲俊之秋濫綴登筮之數粵負丞於外府旋  
列屬於中臺所惧汰歸乃膺臨遣給餉坐兼於兩路



唐益公文集 卷之二十二  
空餐行及於再朞自量心計之非長常恐使華之不  
稱竊思載籍俱有前模流馬木牛葛亮創蜀中之運  
輦車驪駕寇恂資河內之軍彼皆值於行師尚不聞  
於乏事矧說劔橐弓之後無飛芻輓粟之勤弔鈞考  
於薄書粗幹旋於金殺論何有竊位則多已慚假寵  
於諸郎更許叅華於七寺中負梁鵜之刺徒驚晉馬  
之蕃茲蓋伏遇○○○大智博臨深仁遍覆灼知能否  
故雖遠而莫違力勸事功凡有長而必錄爰茂出綸  
之渥悉褒摠賦之臣遂致下愚亦忝少列臣敢不仰  
承睿眷俯竭駑才無廢前勞少助足食足兵之政更  
畝後效永肩惟忠惟孝之心

張端明謝乞致仕降第二詔不允仍赴行在奏事表

需章屢貢祈必反於田廬溫詔荐頒俾趨朝於觀闕  
仰洪私之曲被嗟素願之靡伸詞窮幾至忘言感極  
惟知賈涕中謝伏念臣以桑榆之暮景司管籥之重  
權引分丐歸殆非一日強顏冒寵坐閱三年隕越是  
虞衰殘益甚矧文書之將墜在私義以何安竊慕馬  
廷請論先人之所次庶幾延壽追終旧事之未成用  
空忱亂疊塵淵所敢謂俞音之闕更叨召節之嚴歆  
偃樓而趨則昧垂事之志將遠巡以避之又貽俟駕



唐文苑英華卷之三百一  
之誅進退不遑凌兢失措茲蓋伏遇○○○思深念旧  
礼厚馭臣謂其奉事有年早陪簪囊憐其餘生無幾  
久去軒墀既未許於歸休乃特容於入覲臣敢不勉  
承訓諭上体眷知葵藿之心儻一傾於天日龜臬之  
性即自示於江湖豈惟不食於前言抑亦粗成於先  
志

漢州謝上表

紹興三十年

覲闕九重榮頒印組舟車万里未見吏民所慙庸陋  
之資莫稱藩宣之寄中謝伏念臣才不足以應務孝  
不足以通經自竊儒科即從吏役臨事欲殫於尺寸  
程能奚補於絲毫方伏窮閭遽塵偏壘矧德陽之粵  
壤為益部之示郊去国雖遙望雲不隔至主寬仁之  
有素惟在布宣朝家法令之具存第當遵奉名叨分  
土實愧空餐此蓋伏遇 皇帝陛下大智燭微深恩  
被物獎擢循良之吏撫綏幽遠之區謂臣早膺霸殫  
知人疾苦察臣粗更中外体上焦勞用錫在符俾臨  
右蜀臣敢不勸農桑以敷其本省刑罰以樂其生姑  
云戢業之常尚容自勉儻論乾坤之造夫豈能酬

汪端明遺表

陽陰之數難逝要歸有尽覆載之恩未報寧忍無言



唐書卷之九  
指下地以將終高望空而永歎中謝伏念臣奮身寒  
遠稟質迂愚魯微一善之瘡人誤辱兩朝之過听六  
卿分職佐銓曹版部之劇繁十國為連叨陶嶠坤維  
之鎮挽晚由禁路游領輔藩以疾求矣竊真祠之三  
命何功受寵聯祕殿者六年宜其福過以災生致乃  
神殫而氣索遂辜洪造永謝清時伏望 皇帝陛下  
剛健天行光明日就万年億載長承 太上之顏四  
海九州迄覩丕平之世臣生而無益死亦奚為駑蹇  
自慚向有理惟之累誠精未泯豈忘填海之心

奏狀

天申節進銀一千五百兩奏狀二首

紹興二十八年  
代江東轉運司

漢嶽呼三夙應社鳴之旦周庭族百載修寶執之儀  
前件物剛本乾為瑞繇山溢恭輸內府庶參九牧之  
金願詔上方助鑄千秋之鑑

盛德在火命自天申珍物為金寶難地爰言念逢辰  
之載夙宜修享上之多儀前件物瑞溢商山名參漢  
獎雖睿哲不以貪為宝豈貨賄之敢供然臣民堅請  
祝之誠假精剛而自見

奏劄

大元奏劄

淳熙三年



臣竊見朝庭向來時福建沿海人戶舟舡籍定數目分作甲乙丙三蕃輪流差使其當番之人前半年告報不得出外行之既久公私按堵米嘗乏事淳熙元年樞密院差黃蜚英同逐州通判再行根括立賞糾告監勒打駕伺候檢量夫天辨驗木植之新舊雕刻帆樯置備軍器具拘留坐泥近下半年妨廢典販中下之家往往失業既得放散方且營運曾未半年忽準指揮三番併發赴平江府許浦擺泊事出倉卒州縣奉行急於星火期限迫促而海道風波無期程追逮家屬禁繫決責誠可憐憫去冬臣在典化日忽報海寇自明州侵犯福州及本軍界帥憲司督責會合官吏束手坐視無以為計所幸福州打造到未發大舟師司差撥兩隻令鄭輝管押延祥寨水軍乘駕下海追捕遂得敗獲當時若無此舡海寇必致猖獗此皆以驗之事不可不慮兼福州地狹人稠雖無水旱歲收僅了數月之食專仰舟舡往來浙廣舡運米斛以補不足儻或盡行起發民間定閏歲計臣愚欲望聖慈思患預防特降睿旨行下本路將已籍定舡依舊分三番差使其當番人前期告報在岸抵備不當資次從便營運庶使頻海有力之家自此樂



於打造亦免見在舡戶差使頻併無無以為生將來却致逃移或誤國事取進止

甲首狀劄

王監簿廷珪辭召命狀

伏念廷珪年逾九十塵添科第五十四載昨於隆興初蒙恩召對獲望清光叨改京秩除國子監主簿尋懇免供職乞祠歸鄉今復八年忽準乾道六年十一月二十六日尚書省劄子備奉聖旨召起行在廷珪餘生何幸深願再瞻觀闕其如齒髮益衰兩耳重听奔走道路實難勉強欲望朝廷特賜敷奏寢寔

前事

恩命

廷珪

下情不勝戰懼懇欣之至候指揮

吏部趙尚書

准

論侍從隨赦加恩劄子

伏觀二月十七日赦書內一項應文武官合加恩者並與加恩本部檢准司封令諸文武官應理七年已上若取旨及不應磨勘者並隨赦加恩餘旦給告即加稱加恩者功臣階勲爵色皆是考功令應磨勘奉直至中大夫七年即是應理七年已上者係謂庶官奉直至中大夫若職事官權六曹侍郎已上又令前執政官該勘磨勘依待制已上法即是不磨勘者係謂見任執政官其上件依司封令遇赦並合隨赦



加恩又令陞朝官因轉官應加恩者關到限次日報本選如此之類即是餘官須候給告即加事理昭然本無可疑只緣度江以後本部不詳法意除文臣庶官奉直大夫以上武臣右武大夫已上隨赦加恩外凡執事官自權六曹侍郎給諫已上至正尚書倘或階官未至大中大夫必候因事告給始加封邑則是侍從官雖至朝議中奉中大夫者反不若庶僚奉直大夫蓋侍從官自朝議至中大夫止理三年磨勘故也循襲錯悞莫甚於此兼檢照前輩文集遇赦加恩告詞甚多如劉敞集中有樞密直學士吏部侍郎今朝請大夫

權知開府封府陳升之遇大禮加勳邑制龍圖閣直學士右司郎中李兪加爵邑制并王珪文集有工郎中知制誥王洙遇加大禮加爵邑制又內外侍制加食邑制令並錄白在前其他如王安石余靖等外制所載尤多足見內外侍從官止擬職任不係階官自合隨赦加恩於訓詞中明著行度施會之意實為得體况今令史院有名臣蔡延慶之子所著祖宗官制舊典其論勳爵云熙寧後務減省故朝臣已上遇轉官併加勳階若侍制觀察使以上方特給告令却以朝臣之制施之侍從可乎參考典故檢照法令愈明



白本部欲照條施行更取朝廷指揮伏候指揮三省  
勘會文臣奉直大夫以上武臣右武大夫刺史以上  
並隨赦加恩其侍從官事体尤重自合隨赦加恩施  
行正月二十七日三省同

奉

至旨依



